

國朝畿輔詩傳

國朝畿輔詩傳卷十八

長洲陶

樑鳧薌輯

任邱邊浴禮袖石校

孫郁

郁字右漢號雪崖元城人康熙三年進士官浙

江桐鄉縣知縣

百家詩鈔詩論詞華不如核性情觀聲調不如求骨力余過五鹿談詩首推孫進士雪崖論性情求骨力雪崖其神矣

獨坐

金風飄素節細雨溼檐楹纔見百舌結又聽蟋蟀鳴年華易消歇獨坐感歎生怪此擾擾者今古無異情懷金

去故國躍馬從遠征思婦怨別離烈士死令名赫赫宦
遊子夙夜忘其貞胡將易盡軀苦與百年爭牛山誠足
鄙服藥多無成不如一壺酒寢興寡所營

上巳

樹蘭方垂穗當春茂華滋春水清且淺及茲上巳時采
采不盈把心與古人期周公城洛邑隨波泛羽卮昭王
霸諸侯金人事可疑荀勗曾草賦陸機會製詩卽彼蘭
亭會流觴事足師祓瀦與禊洛俱在水之湄前賢皆如
此胡不一繼之春日旣和柔景物復熙熙雨溼塵不起
風翻柳欲垂望望平野濶夾溪叫黃鸝彈琴又鼓缶連

袂坐清漪入脣有美酒照眼有花枝迢迢晴川上不樂
更何爲

田家雜興

桑柘環我村雞犬依我戶空林響桔槔披露灌蔬圃畦
平水脉通流膏潤吾土葵薑旣以肥盈疇見禾黍倦來
隨意眠不覺日亭午睡餘嬾趨走門前抱兒女遠岸臥
牛羊隔鄰聞機杼崩雷西北來千村飛快雨翻悔井牀
傍今晨力作苦

秋林柿葉黃雨過如新沐流水貫柴門歸雲低茅屋耕
耨有餘閒垂釣清溪曲碁枰遠近聞村春時相續坐見

紫鱗遊愛茲波紋綠泛泛手中絲得魚願已足卽令空
竿回亦不愧幽獨安能落世網營營多所欲

漳南當大陸平平畧無山卑者宜種豆高者宜黍田千
疇皆一色剝棗八月天伐木深林響放歌牧豎閒鷗鷺
盈前渚一望秋水寬水淺蕪葭蔽中有釣魚船移櫂邀
我過相對情依然斜陽落樹杪坐月弄潺湲

登清源城北永壽寺塔

沙屯百雉平浮圖迴相望千盤危磴黑絕頂驚濤壯天
風響層檐頓覺諸緣妄舉頭見 皇州九河皆北向泰
岱入懷中秦關橫翠嶂帆檣吳楚來萬里逐奔浪俯瞰

飛鳥沒一氣秋原曠禾黍滿故宮憑眺多惆悵圖史委
河間神仙營海上吾道不可窮茲遊庶云放長嘯倚青
雲騁志發高唱會當凌八極空彼一切相

登東昌光嶽樓

春明芳草生訪舊聊城下躡屐陟崇閣塵念爲之寡象
緯挂飛檐甍懸伏斷瓦烈風西北來山川落平野泰嶽
踞其左黃河如奔馬一點齊州青萬道驚湍瀉俱仰動
餘悲放歌多瀟灑却憶射書臺高節真堪把

滹沱河

滹沱真巨險白浪晝茫茫穿石歸蒼海連雲下太行沙

深秋草盡水濶板橋長河伯安瀾久梯航貢尙方

新樂道中

村遠沙迷岸橋平水抱城長途愁馬病短日喜雲晴溪
口層流淺山腰積雪明晚來新月白濁酒且同傾

移寓則誠和尚故居

避俗來山縣逃虛過化城空梁翻舊燕深樹坐雛鶯暗
惜青春去驚看白髮生知交與時序搖落總關情

天雄懷古

畢萬遺封古大名三州扼險土田平山川盡入秦東郡
鎖鑰曾傳宋北京白露橫空聞木葉黃花滿地見秋耕

殘碑偃臥荒烟裏禾黍西風無限情

唐藩割據舊稱雄指點川原近鄴東沙麓山崩城堞改
銀槍軍散陣雲空鉦聲尙咽枋頭水壁馬徒沈瓠子宮
贖史何人搜佚事高天有客賦秋風

霜後芙蓉病不勝荒原日落聽呼鷹秋山荻老連雞泊
澶水沙沈見馬陵捫蝨偏憐王景畧狎鷗最憶佛圖澄
鹿臺龍井俱塵土何用傷今感廢興

水落宣防土一堆山形遠抱太行來離宮作寺殘鐘斷
古道成河巨壑哀魏博牙兵元跋扈淇源竹箭半蒿萊
寒烟亂挂漳南樹夜雨秋風問雀臺

宋荔裳按察由揚州泛長江之任成都得近體卻

寄

沱江水濶畫冥冥益部天空入使星
棧閣雲沉諸洞黑
岷峨雪壓亂峯青
兵戈今已消羣寇
凋瘵何由報
丙
廷坐待攀帷
勞撫字
藩宣猶見古儀型

劍門秋老白鹽寒
叱馭休歌蜀道難
龍臥澄江驚急雨
猿懸古木挂飛湍
烽烟乍息殘黎少
稼穡深荒野水寬
鴻雁嗷嗷悲鍛羽
何人獨對月中看

旌陽栖真山西竺寺同月峯上人訪竇子明仙人

遺蹟

削壁開龍藏層梯路可尋飛巖懸瀑布曉日上琪林且
倚紅藤杖聊爲白石吟桐疎低欲墜竹密細成陰客作
新秋意僧懷出世心大參諸品外卓錫最高岑貝葉攤
絳几繩牀橫素琴山空無俗籟谷靜有鳴禽太白詩仍
在仙人蹟未沈石屏丹竈冷鳧嶺翠濤深塵劫連滄海
浮名役古今遙看雲起處齊作鳳鸞音

過趙藩故宮

紫簫吹斷鳳凰樓鸚鵡能言不解愁
臘粉零膏沈古井更無人抱玉箜篌

秦璣

璟曲周人康熙三年進士

九日登藏經閣

城隅高酌共黃杯山色銜蒼入夜來
衰柳環堤穿雁陣重垣夾水峙禪臺
樓頭霜淺鐘初定籬畔秋深菊正開
百尺憑欄時一眺上方疑近白雲隈

申涵煜

涵煜字觀仲永年人涵光弟康熙五年舉人有
江航草一卷敏菴集一卷

永年縣志涵煜從涵光學好古文辭弟涵昉早
達而涵煜久困場屋涵煜兼工書妍媚道勁或
以爲過趙文敏康熙五年始舉于鄉遂絕意進
取兄弟相唱和以終

聊齋介序觀仲丰骨峭秀自命甚奇讀李青蓮全集皆能上口每思凌雲遺世癸巳甲午之間嘗與余登高阜痛飲狂歌有陳子昂前不見古人後不見來者之感未幾發憤以去與其兄臯盟長嘯菰蘆中世俗人求見其面夏夏難之今春隨叔捷南宮攜其江航草以示詩才之妙高之爲劉春虛卑之亦不失爲隨州固臯盟勁敵也
王士正蠶尾續文觀仲學詩於聽山名亞其兄書法大令時游戲寫蘭竹似趙子固

己亥元日

湖上逢元日焚香亂石間出門人事滿此地鳥聲聞客久通吳語春來夢故山漸看蓬鬢改未惜解愁顏

九日同鄭子勉陳玉筍登郡南樓飲玉筍齋

又是重陽日登樓望落霞與君呼綠酒猶未見黃花霜

氣分梧葉砧聲聚水涯一時知己在何事惜年華
郊晴宜晚眺令節喜招尋人以登高老秋從過雁深渺
然烟外水况值醉時心此際懷應遠狂歌到竹陰

翠峯

亂石盤幽徑登高快遠晴樹凋湖水澗風靜野烟平每
到移情處常思坐月明莫愁歸路寂溪畔滿松聲

夜聽周容初山人彈琴

黃花香繞案幽響入寒更不調朱絃上能令萬慮清樓
高生雨氣山近滿秋聲此調君應絕知非浪得名

虎邱

古寺寒烟際
郊晴問短筇
船來先見塔
坐定始聞鐘
黃葉連高級
朱欄間老松
平生思勝蹟
延賞惜秋容

發丹陽暮抵闔門

三日楓橋路
高帆一日回
偶因風力好
遂使客愁開
雙櫂搖江月
千峯度酒盃
夜來經虎阜
燈火照樓臺

晚歸洞庭

一出胥江口
漁家已閉關
不知湖上險
偏覺醉中閒
片月翻層浪
孤舟入亂山
叩門童子問
何事夜深還

重陽後三日泊澣墅計明日卽晤易公兄弟淒然

感賦

野渡懷人欲暮天重陽已過倍淒然舟隨紅蓼三千里
客寄青山十五年悲喜預傾吳市酒寒暄猶隔洞庭烟
別來烽火餘生在明日相逢亦可憐

喜晤易公安卿

幾年魂夢繞姑蘇此夕相看是太湖屢寄音書皆達否
邇來消息竟全無人當久別情如結話到傷心淚欲枯
不信故園風物好天涯到處總窮途

王元烜

元烜字用恒號似軒長垣人康熙五年舉人官

江蘇武進縣知縣有三惜齋詩集

長垣志元烜明兵部侍郎家楨子幼聰慧弱
記洽關中康熙丙午舉人授江南武進令邑爲
常州附郭差繁賦重訟獄繁多元烜精于聽斷
無滯事民皆德之陳椒峯王莖贈序云凡利于
民者無不與妨于民者無不去武進趙尚書中
喬周侍郎清原徐部曹永宣邵青門長蘅等二
百餘人賦詩
編爲贈言

渡溱沔河

只此東流水銷沈萬古人
偶然思麥飯想見好君臣
白
葦晴吹雨黃沙暗捲塵
小船爭渡後歇馬正逡巡

輓徵君孫先生

蒼天如可問豈肯忌斯人
抱道尼山後傳經衛水濱
兩
朝虛相位一死謝風塵
漢使求遺草應酬未了因

儒林推一鑑竟忍棄吾徒天地交遊盡文章事業孤徑
荒餘落木門冷亂啼鳥淚涇先臣傳猶驚字字珠

會爲先司

馬作傳

知君應上壽詎意隔重泉徵召薄卿相詩書接聖賢兒
孫推獨盛道德果無前不作招魂賦清名也足傳
掛劍松梢上淒風落暮雲千秋離別恨一日死生分飯
熟人間夢樓成地下文太行西望處灑淚獨思君

歸田漫興和顧太守

拂拂條風解薄寒河梁出餞夕陽殘屬城穹碣披烟立
夾路棠陰帶雨看詣闕未能留景伯銜恩敢自託任安

玉璜欲叶彫龍夢特向磻溪理釣竿

大梁過先司馬舊署誌感

西風落葉下孤城一望高牙百感生
河北風喧新鼓角門前霜冷舊霓旌
兩朝日月餘忠烈萬戶謳歌說姓名
彷彿襄陽尋故事峴山碑下淚縱橫

何天寵

天寵字昭侯號素園宛平人康熙六年進士官
吏部員外有紫來閣集

贈表兄吳八金吾孟浩

神廟有元老經畧東西疆出建大將旗人縮司馬章季

女龍也母諸孫皆雁行次兄二千石大兄衛明光最少
家帝里白眉此最良十五耀裘馬歸羅邯鄲娼坐客曳
珠履賜書擁石倉二十侍前星上書謁未央當年俠游
子今爲陞戟郎騎從一何都桃李一何芳功名可自致
誰能藉膏梁報恩方竊許天地忽低昂悠悠二十載七
尺無完裳阿弟千里至燕市同伴狂饑來各自慰嘯咏
迎匡牀青青岡上桐高柯遲鳳凰蒼蒼山頂松虬枝歷
雪霜短衣兼阜帽見人避路傍覽鏡各已絲何如還故

鄉

康郎山阻風

巖山橫鎖彭湖曲古廟老槐蓋湖綠三十六侯碧血寒
昔日披金今報玉此事于今三百載風聲濤聲怒不改
謝公游屐戀東山八公草木兵安在劍佩森森滿烟霧
昨夢將軍倚大樹告我莫悲游子暮贈我長風爲我渡

弋陽山曉發

落月起晨鴉山城楚色遮驅車歷斷石涉水上崩沙烟
合松間路雞鳴樹杪家客程殊未已相慰是梅花

故園

故園殊可樂何意任飛蓬萬壑桃花雨千村竹箭風玉
函神禹穴翠嶂越王宮登岱應回首雞鳴滄海紅

午發歷城別友人

祖席開晴照離亭，傍聖泉雲沙歧路色。
風雨寄懷年馬首，圍青嶂鷄聲上白烟。
知君還佇望，未敢遽鳴鞭。

寒食登雲起樓分賦

春依烟柳問山泉，一路花香夾畫船。
石磴每經芳樹歇，峯陰平眺太湖連。
行厨送酒銷寒食，蠟屐登樓話昔年。
坐看千村游興劇，翠翹紅袖暮雲邊。

淮安守凍

長淮東接射陽湖，千里鄉心寄舳舻。
豈道朔風催夜凍，難將蒿酒問當壚。
雲低沙岸魚龍寂，日暮江帆鳧雁孤。

強欲裁詩寒更徹故人紅燭煖瞿瑜

送人

君去桃花落別筵春風一路馬蹄前爭如野店低垂柳
能繫征人碧玉鞭

秋闈

年年月下擣秋砧深院羅衫露已侵誰道相思春色裏
橙黃楓老正傷心

明湖曲

南山風雨鮑城秋北漲明湖宮水流欲聽采蓮何處是
旗亭曲度小梁州

寒食

千騎黃塵七寶車
鬢簪新柳踏晴沙
何人紅淚飄新冢
多是頻年征戍家

歸義驛

岳陽路徑繞烟鬟
擬見湘娥竹上斑
一曲羅江千疊嶂
雲深何處九疑山

張鴻儀

鴻儀字起陸號企麓元城人康熙六年進士官山西永和縣知縣

百家詩鈔癸丑入魏博企麓出其詩命相訂正余得探其詞源倒其詩奧定有爲企麓卜千秋

者請以此
帙爲券

冬日集天雄書院限韻

朔颺逼歲寒角吹嚴城暮卿月上選樓客星明驛路公
閒折柬招勝集清觴具刻燭韻重拈論心人盡素江郎
筆綻花樂令談披霧吟斷初中盛體兼興比賦歸途縱
馬看冰花白滿樹

咏史

丈夫善擇主策勳在鐘彝托身一不慎愧恨徒後時我
嗟亞父謀幾使沛公危豎子言不用玉斗碎何爲既見
龍五采天命何能移彭城歸骸骨差勝投鴟夷何如赤

松子辟穀食紫芝

卽事

僻性耽幽寂全無世外譚抄經勤煮茗按譜漫移花竹
枕詩連雨松亭夢入霞悠然無一事返照落窗紗

安陽道中次雪厓韻

野霧蒼茫裏寒砧遠近間溪明秋見石雲密樹連山木
葉經霜落漁歌倚棹還何時倦行役小築自閒閒

題遯山草堂

濠梁秋水臥莊周手翦蒿萊結草樓十柳當門開一徑
雙溪繞檻擁孤舟山川若嘗傳新藁裘馬邯鄲說舊遊

菊老東籬雲葉紫可容策杖共探幽

同李褐公登岳陽東山小飲延壽觀

千峯一抹插雲青立馬遙看似列屏古殿奇文多鳥跡
天風急雨半籠腥池深魚隊浮沈見沙漲泉聲斷續聽
勝地招尋容我輩好將傾倒謝山靈

春日郊園雅集時同人有登岱之行

兩月風塵倦馬蹄歸家又見草萋萋西園社啟竹三徑
南畝春深雨一犁日觀盤來千磴折天門高處衆峯低
慚予數載羈婚嫁海岱烟雲入望迷

謝雄隱上人畫扇

寒汀烟渚墨痕濃
小景摹成逼惠崇
纔展齊紈風露捲
恍疑身入翠微峯

黃之鼎

之鼎字訥菴元城人康熙六年進士

百家詩鈔余性喜遊鶯遠陵危未嘗爲屐齒息
勞近稅駕魏郡無山水可寓目不得不披名家
詩以當之初得劉夢闌氣厚詞數以當泰岱彭
蠡再得孫雪厓意高文秀以當匡廬西子湖再
得張企麓語圓格老以當白嶽王屋平湖語梓
得成仲謙則天目湘江也得黃石笥志伊喬梓
則京峴蕩湖也美中則羅浮西洱也最後得納
菴先生嘆曰此天台雁宕人海求神仙處也豈
僅作詩觀

趙秋水飲翁亭

余自漳干返君從江左來相逢重把袂靜裏一銜杯亭
樹籠烟出池荷帶雨開新詩看更好應爲故人裁

西園雅集

結客從蓮社攜琴過竹扉鶯花春欲老京國夢初歸檻
曲遲明月臺空落遠暉一尊堪永日莫自羨輕肥

息園同臧介子年兄作

日日春園醉琴尊復此同柳含遠水綠花映隔簾紅興
劇來佳客亭虛受好風漫言城市近隨地有牆東

贈居停僧慧引

結宇依神境虛空遠市塵盆花秋散馥溪月晚生烟濁

酒能違俗清齋可悟禪客來容下榻昏旦與周旋

秋日登金佛寺閣和張司馬次壁間韻

僧樓爽氣入秋含萬木蕭疎郡堞南遠野河流連寶筏
前朝御墨出琅函拚將老圃黃花酒靜對松陰白石巷
歸路太行遙望迴颯風馬首散晴嵐

永豐門餞別諸進士復至閒閒亭小飲

官柳青青去騎催旗亭祖帳夾城開尋芳爭過陶潛宅
得意羣登郭隗臺驛路濃花看攬轡春郊細雨對銜杯
落英歷亂還堪賞爛醉無愁騎馬回

紀愈

愈字孟起文安人康熙六年進士歷官工科掌

印給事中祀鄉賢

畿輔通志愈夙具偉畧歲己酉土寇擣城宿先
守禦邑賴以安隨大將軍撫勦江西逆賊愷復
撫州勸止殺戮或遺以所俘
婦女貯之別室訪其夫還之

茅齋春咏

西園春事早偶築卜城隈松逕幽篁細藤溪野鳥來停
雲雙白板步月一青苔已悟逍遙理閒居賦可裁

漫興

岸幘北窗下儵然夏簟清亭虛琴自潤池小雨初平香
沉茶千縷敲殘棋一枰羲皇吾已到何必羨侯鯖

徐溝道中

不盡窮途興蕭然束客裝
河橋驚雁早山鳥閱人忙
采菊盈把行行木已霜
登高應憶弟何處試萸囊

送別趙澹園

遙倚霜峯一雁過
雞壇載酒賦驪歌
交期投紵懷吳祐
文價連城惜卞和
別後清樽邀月少
狂來白眼閱人多
憑君拓落還相慰
秋色黃花滿澗阿

師若渠

若渠安肅人康熙八年舉人

保定五君詠

張光祿羅彥

光祿精悍姿德輝出丹穴早棲鄧林枝言語能妙絕懸
絲清類山關鍵嚴如邳徒手遏賊衝所期國猶活蕭蕭
易水風惻惻睢陽節

金侍御鉉

侍御金天島守義自鯁直廬園二十載文府富潘陸起
草上明光危時仍慟哭西瞻秦山碎北顧燕雲黑碧井
墜銀章寸心亦已足

何太守復

何公昔剖符豺虎由東下致命想三仁行春猶五馬豈

不輕一木所願支大厦舉火向賊營迴颺墮戰瓦迢迢
大河北誰似常山者

張進士羅俊

觀政多道氣名成在晚年入室攸好德如賓誠所難聞
見亦已滅性命豈苟全抵掌塞上圖驃騎有其傳報國
皆血下橫尸大路間

邵郡丞宗元

郡丞一老宿由來性情真開口不愛死臨危患有身當
其掌金印髮衝目亦真傷心向燕雀遺恨植麒麟寄言
當途者灑血竟何人

孔琦

琦字若韓南宮人康熙八年舉人官開州學正

有果齋集四卷

南宮縣志琦善爲詩古文辭清思逸韻膾炙人口自澗淵歸益放意爲詩與同邑李慕菴齊价人唱酬無虛日及卒价人爲輯其遺稿云

鄭簡侯入臨邑名宦祠

遺愛人常說於今論信公琴書三歲冷俎豆百年崇淚
墮蜡山雨香飄泮水風 聖朝如問俗竹帛紀豐功

井 鎡

鎡字待菴文安人康熙八年舉人官山海衛教

授有半學山房詩鈔

屬廷儀序待菴先生品誼絕粹學術宏博包羅
今古寄興吟詠瀟灑淡宕音節和平風人之旨
溢於
絃管

寒食舟中

春風江上柳如烟夾岸桃花遠趁船
令節再逢寒食候灘聲不斷石橋邊
布帆無恙隨流水明月多情媚遠天
艤棹清宵臨野寺不堪鐘鼓伴愁眠

崔徵璧

徵璧字祀功一字文宿號方厓長垣人康熙九
年進士歷官工部侍郎祀鄉賢有西清初學編

東海金臺懷州遊梁諸集

畿輔通志徵璧官懷慶禁加派杜苞苴絕干請

以廉明稱聖祖西巡還渡孟津

命徵璧隨至沁河賦詩講易龍遇有加轉工部

侍郎管寶源局上言泉貨利弊切中機宜內立

畫一之法銅商與監督並

程真偽爲謀國碩畫云

上元大梁觀燈

春風駘蕩綠波明佳節偏宜月滿城
火樹光中千騎出銀燈影裏萬人行
笙歌依舊梁園盛花草于今艮嶽生
休向芳塵悲往事銅駝金谷總無情

李振世

振世字章六一字章鹿號臥衡長垣人康熙九

年進士歷官湖廣按察司僉事祀鄉賢有裕昆

堂集

長垣縣志振世初選河南獲嘉令邑當衝差繁
地瘠公一意拊循貧民無食者給糧米牛具任
其開墾闢荒地三百餘頃時征吳逆官兵過境
供億無缺民不知擾令江西永豐署中舊有妖
祠蟒蛇爲祟驅而斬之蟒長二丈餘郡守驚其
膽後官湖廣按察司僉事時有裁兵之變單騎
入賊壘諭以大義衆感服歸順全楚悉平署
衆多所平反遷陝西莊涼道布政司參政以病
乞歸著有
退食藁

黃河晚渡

輕裝匹馬足遨遊柳裏於今是渡頭不學祖生空擊楫
聊同范伯一乘舟洪河日暮蛟龍舞滄海雲生鶴鶴愁

前路沙寒村樹杳停鞭何處酒家樓

谷元調

元調字士和豐潤人康熙九年進士官河南寶

豐縣知縣

豐潤縣志元調七歲而孤母許夫人紡績教之
未冠遊庠試輒冠其伍兼通詩古文辭尤精書
法順治丙戌舉于鄉庚戌成進士房考其闈
牘曰五策博洽淹貫古奏議殆不是過授寶豐
令興利剔弊課洽淹貫古奏議殆不是過授寶豐
不起貧無以殮緡紳父老出貲舉其柩乃克歸
有囚書易經疏義藏於家

過魏大年西莊

處士山莊古臥龍西郊一帶水雲重閒將墨汁千尋汲

好對爐烟四壁封琴上絃高歌白雪盃中酒熱淬青鋒
幾回欲過司空塢君著芒屨我杖筇

黃任

任字志伊號遜菴元城人康熙九年進士官江

南六合縣知縣 欽取刑部主事有坦齋詩集

百家詩鈔坦齋詩雅不傷柔文不傷綺彬彬焉
澤于忠厚和平之教非輕俗寒瘦者所可幾

丁巳九月聘校南關奉次總裁二公原韻

長夏辭春明單車赴江縣鸞塵擁征葢遊子亦已倦抵
里值秋初過從勞親串盡室裏糧去河淮浩漫漫小邑
數百家積逋輒盈萬我席未暇暖扁舟復南泛

泛舟亦何爲，南閣佐推轂。自顧媿薄材，五色將迷目。
月珠正雙懸，幽隱皆照燭。聆音識爨桐，望氣知璞玉。披閱
有餘閒，微吟對松竹。分曹更無事，但拄看山筓。

聞多素心人樂與數晨夕

徧性愛岑寂，亦欲親芝蘭。陶公賦卜宅，罄此平生歡。形
忘見古人，握手析肺肝。清風吹庭際，明月照簷端。有酒
君同酌，有琴我共彈。嗟哉管鮑交，此道千古難。人情易
衰歇，願言保歲寒。

成安翼文學墨竹障子歌

學畫當學畫墨竹，蕭疎不入俗人目。曾于長安人家見

二圖乃是內府流出之玉軸一爲夏仲昭枯枝斜亞梅
花屋一爲王孟端九嶷茫茫帝子哭近時此技誰擅場
惟有山左馮青方青方寫竹如寫字筆法瘦硬有餘地
興酣潑墨爲橫披千畝蒼蒼烟雨至家有兩幅各丈餘
東西壁映影扶疎客來見之每絕倒嘆息此筆今世無
今冬偶遊漳水干邂逅冀子開心顏屏間素練玉色寒
尊中倒映青琅玕燭影微風動夜闌坡陀柯葉聲珊珊
欲呼嵇阮與之游放懷聊且避人間似聞子規啼葉裏
蕭然四座疑深山感其波瀾知有自隔芝果爲馮公之
高弟世上浮雲不著意乃與此君有神契常恨北土竹

不高胸中幻出凌雲勢我家草堂種松竹松已盤擎竹
半禿請君爲我濡醉毫聊伴歲寒慰幽獨

過故宅梅花下作

庭前舊有兩梅樹掩映房櫳披月霧誰使秀成陽羨宅
頓教夢失羅浮路幾年家圃爲鄰園一旦頽垣換丹堊
貧富雖云今昔異冰心豈爲新忘故可憐余作陌頭人
猶幸汝同山下過索笑巡簷情更急繁條對酒傷無數
枝橫清影畫堂深風攪凍香白日暮世事那堪轉瞬更
人生能得幾回聚寒空流霰溼冥濛夜夜花魂泣不住

單父

不見宓子賤空登單父臺玉琴已絕響鴻雁有餘哀
軒南人困河渠東國災春風催解凍處處尙蒿萊

成近天招飲郊園賞菊

別業成幽賞畦邊杖短筇花圍如錯錦城遠似連峯秋
色開閒幔斜陽動暮鐘勝遊真不易歸馬尙從容

人日寄杜少汧朱

微風晴影散花輒社鼓儺歌動野烟春到柳邊纔七日
人懷河上已經年
任山芳草堪憐後瓠水桃花未發前
好著一鞭來草舍莫教愁對絮漫天

黃河

黃河南徙下淮徐疆域今非禹貢初轉粟全憑蒼水使
富民誰治白公渠桃花漲落纔沈馬酸棗堤開已葬魚
願罷冬官無益費先王良法在耕餘

翁亭賞荷

綠荷香泛曲池隈一朶亭亭帶雨開把酒欲遲明月上
攜琴正值故人來雲移疎影浮新漲露引清芬入舊醅
自笑鄰翁還潦倒數逢高宴得追陪

折柳詞

雨雪霏霏暮角催梅花亭下送行杯明朝此地看君去
一任東風長綠苔

移枕

落紅飛絮滿繩牀
移枕清陰背草堂
向午夢回山鳥亂
隔墻風送菜花香

王鄰

鄰字欽四曲周人體健子康熙九年進士官山

西隰州知州有問津園詩草

曲周縣志鄰令太平剛明清毅百廢俱興知邠州旋知隰州興學賑荒關右饑漕晉粟輸之奉檄發禹門石撞舟碎忍死襄事秦民皆獲濟

夏日問津園卽事

襟袂欣無逐熱來
披襟散髮日悠哉
匡時恨少文中策

失路徒傾阮籍杯近約鷗羣爲靜友閒登雉堞作高臺
澄潭更有怡情處倚杖沿溪日幾迴

張恂

恂字翼夫一字完樸號硯齋景州人康熙九年
進士官江南泰興縣知縣有二一山房稿

積雨僧舍作

蕭颯秋容黯僧房境轉清雨鈴雲際溼水碓石塘平蒼
翠搖修竹鮮新長決明十千堪買醉漫憶步兵營

王鄭

鄭字文益曲周人鄰弟康熙九年進士歷官廣

東雷州府知府有墨妙堂集

曲周縣志郎博學工文出語邁流輩授中書舍人遷刑曹明恕平反案無寬贖晉禮曹知雷州府時海氛初帖兵悍不可制而濱海遠郡派累且不貲下車後力振頽靡營弁悉遵法勒碑通衛永革科歛積習一改

弔錢雪莊先生墓

棠梨花下拜孤塋十載餘悲逐緒生立雪門前迷履蹟
挑燈窗下憶書聲白楊颯颯情何已宿草茫茫恨未平
賸有侯芭空載酒元亭人去淚縱橫

國朝畿輔詩傳卷十九

長洲陶

樑鳧薈輯

慶雲崔

旭念堂校

宮夢仁

夢仁字宗袞號定菴靜海人康熙九年進士歷
官禮部尚書有齊魯詩

甲辰出都酬贈行諸子

八月秋如水清風迓素商木葉辭庭柯孤雁日南翔渺
渺征途子隔歲謁天閭天閭高以遠願言還故鄉同好
三五輩念我空昂藏人年難滿百况值別離長置酒城
西隅綺筵鳴珮瑋手奉金屈卮相勸累十觴蘭缸何熒

國朝畿輔詩傳

卷十九

熒歌聲更激揚中情未及半月出夜已央驪駒列戶外
僕夫當路傍揖君前致謝攬轡復停裝陸生曾入洛司
馬尙游梁胡不戀闕廷而乃懷榆枋譬彼蛾眉姿少小
矜明妝得侍昭陽者惟恐進君王譬彼華文鳥熠耀山
之岡增繳布山阿引項縱四方窮達會有時卷舒安其
常顧盼發慷慨遲暮詎云傷歸矣草堂隈望望燕雲黃
應期保令名努力愛景光

紫芝白石山房爲陳吧漁賦

聽說山房勝招尋未有期三神何咫尺五嶽足棲遲不
睹畫圖趣安知鸞鶴姿赤松如可遇垂老定相師

登千佛山

三面總無際，凌虛與渺然。
幽燕來想像，華鵠儼攀緣。
樹遠星辰下，雲歸虎豹眠。
夕陽鐘磬裏，相對訝鈞天。

八達嶺

八達傳天險，征塗迴未經。
童山當晝白，絕澗入秋青。
馬首穿雲蓋，人聲轉石屏。
側身高處望，瀟灑意常醒。

宜府

層巒纒一線，入望萬家封。
雉堞連雲出，龍門射日重。
雄藩空立戟，悍卒習傭舂。
悔盡東南力，當年未息烽。

清江送張友鴻之滇中司理并寄訊藩臬諸公

簫鼓中流雜棹歌仙郎擁傳下牂牁百年詞賦題金馬
萬里風烟阻石螺蠻俗古來多健訟
主恩天外
待鳴珂昆明戰伐今何似寄語加餐老伏波

張青菴寓閣贈令兄中巖令弟孝占

雁行歷歷共相依星氣遙聯天上輝二謝才名垂采石
三張家世本烏衣公車漫道悲歌壯太學方傳聽講歸
羨爾弟兄同入里扁舟端不爲鱸肥

槐龍篇

夙駕重關外言瞻巨鎮雄山川資壁壘鎖鑰奠鴻濛勝
蹟多標異奇觀更不同每因過柳幕喜得仰槐公肇駐

先朝蹕傳呼屬國蒿老枝宜燧火疎幹逼蒼穹盤攫存
龍性翔翔擬鳳翀雲霞千載護雨露四時通歲渺青無
改根蟠節愈隆侵霜金錯落碎月玉玲瓏路夾清陰滿
羣遊碧蔭中越州偈好句朔塞遡遺風石磴淵堪挹苔
碑字未蒙從來超物表必自藉神工蔽芾司刑署飛揚
振武宮主人真俊傑佳氣鬱青葱選徑開新構規亭拓
舊弓撫軍祇德耀揖客每春融縱酒秋槽綠分題夜蠟
紅飄蓬忻御李大樹卻歌馮

送沈國望監楚軍

上帥南行唱采薇侍臣慷慨出

端闈腰間三尺青萍

劍昨夜寒芒斗際飛

軍中阮瑀似君稀
書記翩翩手自揮
解甲應成朱鷺曲
聲聲鏡吹入 皇畿

張鴻佑

鴻佑字右君號念麓元城人康熙十一年舉人

百家詩鈔余王子客衛交念麓已選其詩次歲又與念麓晨夕倡和不啻登機雲之堂覽其詩英而坐進風雅也

雨中登北固

北固臨江峙層巒接碧霄
樓吞京口月鐘落海門潮
帶雨拾山果披雲採藥苗
石磬逢老衲指點說金焦

寄朱汗朱

尙憶東園醉衝寒送爾回最憐三月別今見一書來幽
鳥鳴春竹輕風度草萊遙思明月夜清夢幾徘徊

雨後過海潮庵

泊舟來野寺香閣晝氤氳雨過千林溼門開一磬聞登
樓瞻海氣掃石臥江雲不識支公社容隨野鹿羣

過廢寺

路斷忽逢寺空林淡夕陽無僧堪問法有客自登堂鳥
啄殘經亂塵封斷碣荒徘徊吟眺處衰草暮雲黃

黃美中歸自西湖

半年離思隔江天
河朔初歸訪戴船
孤杖曾探天柱月
輕裝應帶海門烟
堤邊楊柳懷坡老
井底丹砂憶稚川
聞道客途詩興好
高吟莫惜向人傳

西園雅集喜秋水自廣陵至

西園樽酒罄交歡
雨過高城竹氣寒
六月故人江上至
十年白髮客中看
池邊漲水通花徑
樹杪歸雲度石欄
倚杖深松懸暮色
蒼蒼落日下烟巒

方 嘏

嘏字峭雪一字玉巖大興人康熙十一年舉人

官江西新建縣知縣有峭雪集

元夜

童童城邊柳澁澁江中水
亭亭嶺外雲娥娥樓上美
簫鼓喧四鄰夜深不能寐
豈知歡笑邊有人長凍餒
索米惟空瓶支牀有廢碓
老梅不厭貧臨窗結蓓蕾
歸來重躊躇催科良可畏
安能均苦甘河東與河內
抱膝坐空庭仰天發長喟

贈倪永清

九峯山色高嵯峨川原平遠堆青螺
劉夏村南泗水鎮片帆我亦曾經過
此時我年方二十乍見老成尙羞澀
客邸惟拈詩與書日鍵芸窗足不出
少年情性好交游

國朝畿輔詩傳

卷十九

五

一時懷刺千名流盧文子張洸侯朝朝約放龍潭舟

松江

有白龍潭鱸膾蓴羹羅滿座玉簫金管吹清秋此中有人數

詩伯開言便及虬髯客清譽真應千古傳彩筆爭誇萬人敵近來作吏來西昌寥寥風雅推平章即或有人弄筆墨譬如無厖牧笛橫山莊永清倪子來日昨頓使洪都風雅作絳帳旋開徐穉亭赤幢入樹滕王閣興酣擲管發大平十三大都驚愕門外頻停問字車雲中又見衝書鶴驟然相見卽相憐須識神交已有年把臂發狂話宿昔恍若置身黃浦青溪邊過我訟堂一交接便覺胸中有冰雪太白劉伶共醉醒許由巢父同高潔卽

席還當贈片言文中雄長詩中傑
猗嗟乎君才磊落非等倫
得君如得金千鈞他時歸遇雲間客
道我爲官鬻似銀

言懷

徑曲接清流清齋事事幽
惜花嬌困雨枕石冷逾秋
骨瘦同棲鶴心閒逐汎鷗
比鄰聞選艾酒債愧難酬

雪過漁亭

村市溪頭雪裏經人烟寒處認郵亭
沿流竹艇排銀漢劈面雲峯插玉屏
秀絕山川渾一色空憐魚蟹見三星
尋梅放鶴饒幽賞爭似兵廚醉不醒

秋日滕王閣晚眺

崔巍傑閣江干盡一度登臨一感傷
勲業何曾留帝子風流空自憶王郎
西山雲影隨朝露南浦溪聲送夕陽
極目秋原思黯黯石尤底事恨倉箱

經句大風
禾稼多損

姚昇

昇字扶東永年人康熙十一年舉人官浙江開化縣知縣有束岩草

永年縣志昇幼孤家貧讀書不事章句文奇肆從申涵光兄弟切劘詩遂工常遊京師抗手公卿間議論風發或試以詩操筆立成奇氣逆溢名遂大起康熙十一年舉京兆南遊江淮泛湖湘詩益多選德清歲大稜未報方徵賦昇至力請賑全活無數目睹民艱有所作皆哀苦語德

清士大夫比之元道州春陵行調開化催科不
擾公退焚香拂几檢詩囊長吟而已罷歸貧甚
怡然自得

西山晚眺

不識桃源路依稀訪舊林攬衣穿仄徑躡屐上高岑樹
影歸雲暗泉聲落澗深山川老我輩愧此一登臨

秋日同人過午橋小飲

烟柳環堤外午橋依樹邊人聲喧水急月色過亭圓菱
荇牽魚網蒹葭隱客船同遊三五輩索酒未知還

春初過洛濱訪王子壽

風曳柳初綻日暄沙正明鳥翻林翠落魚過浪花生未

返尋源棹還深訪戴情臨流頻蕩槳隔岸聽啼鶯

毛冢

先生俠骨自嶙峋古冢依稀辨未真影落荆榛消白晝
聲留猿鶴照青燐囊錐曾笑三千客按劍寧同十九人
不有平原知已在誰將風水又重新

劉鼎

鼎字禹鑄平鄉人康熙十一年拔貢生有南遊
草淇澳草匪魚草

雪曉

鵲噪回寒夢捲簾天色新白雲低貼地黃日淡依人竹

徑未須掃茶鐺聊自親貪心吾本薄却愛嶺如銀

秋夜

靜夜簾長落月明初上鉤天寒新雁影人老舊羊裘
未元冬雪心先白露秋遠遊兼抱病應重倚閨愁

懷劉馨公

老去慵藜杖登高只爲君乾坤生我輩骨肉在斯文
秋水葭千頃斜陽雁一羣懷人情渺渺灑淚寄飛雲

邵伯湖夜泊憶封州故里

冉冉風帆向晚收蓼花灘裏若爲留秋高玉露橫天墮
夜火銀河傍遠流飛去滄陽千里夢載回江上一船愁

陰蛩淒切陪人歎白髮明朝更滿頭

懷家兄黃鑄及舍弟文振

最是春風大被寬東山別後始知寒池塘綠草長遙夢
桃李芳園不共看路遠裁書逢使少家貧負米事親難
天涯霧露須珍重記得丁窻滢水干

黃仲

仲字美中元城人康熙十二年進士

寄懷袁杜少

雪氣連朝暮天晴風更冽寒雁叫空林飢鳥啄凍澤四
時更代謝日月一何迫故人今不見思逐梅花發黃河

橫千里寒冰堅如鐵各在天一涯興言念疇昔六月艱
行旅逸興付舟楫片帆掛清源一笑盤餐列相逢忽相
失流水空悲咽射策黃金臺買酒長安陌高歌傍無人
醉擊唾壺缺不才甘自棄灑淚爲君惜汗血自龍種胡
爲霜蹄蹶西風吹易水白日照碣石徒步返故山揮手
肝腸熱轉眼秋復冬音書久隔絕相知在寸心欲寄無
他說君子守固窮志士茹冰蘖余也常屣勉自顧羞蹇
劣昂藏君所負詎肯事容悅涸轍無凡鱗鸞鳳有鍛翻
時俗尙蕭艾歲晚見松柏勿爲遇所移努力追前哲

送別趙秋水兼寄申臆盟觀仲兄弟

七月西風吹井梧池荷漸老庭葵疎鳴蟲唧唧夜色徂
羈客徘徊臨前除送君尙記與君別黃金臺下無顏色
還家忽忽音書絕君去并州我適越泊我歸來臥舊邱
聞君又買廣陵舟同在天涯不相值江山悵望生離愁
兩年不見增白髮相逢遺我詩盈篋三伏炎蒸金石流
展卷灑灑飄冰雪河朔快飲五陵豪留君不住心煩勞
匣琴罷酌坐深宵玉露無聲銀漢高悠悠此意無終極
說向世人應不識歸見荆園兩弟兄爲道別後長相憶

過丹陽晤九逵

大江何浩渺數載間情親別夢西冷月愁心北固春山

川爭待我衣食尙隨人不盡班荆意相看各愴神

初夏西園小集同朱賈初分賦

把酒層臺上高城夕照銜因君來霽水使我憶靈巖聞
道梅千樹何時風一帆劇談增晚興明月上春衫

遊曹秋岳侍郎鐵舟園

亂竹橫邊種孤亭鏡裏開春風一拂動波影上窗來
石皺山苔古沙深野蕨肥梅花開更落何日主人歸

金沙泛舟

竹纜斜牽入遠波村烟沙樹晚離離無邊野色真堪畫
黃葉橋頭颺酒旗

舟過維揚觀湖上園亭

竹扉半掩竹籬斜
隱隱樓臺隔碧紗
滿院子規啼不住
當窗開盡玉蘭花

邵瑣

瑣字柯亭大興人康熙十四年舉人官山東昌

邑縣知縣

四庫全書提要情田詞三卷邵瑣撰瑣初名宏魁官新河教諭遷昌邑知縣其填詞之學出于朱彝尊此集乃乾隆癸酉其子履嘉所刊也

春日雜興

春風不媚俗一例到閒門
新樹移鄰圃青衫染酒痕
世

情浮宦拙吾道布衣尊盡日蠶書卷藜牀坐覺溫

九月十五夜中庭聞步作

鐘傳人定月華明漸覺新寒夜氣清露重似宜添羽帔
樹疎何處著秋聲一燈舊雨鄉園夢殘夜西風獨客情
身世不從詹尹卜流行坎止足吾生

芙蓉

會從楚客賦蘭汀喜見風翻赤雨幢欲采名花遺良友
還憑遠夢落秋江盤承雨露珠無算莖並鴛鴦帶自雙
此日仙城誰作主疑眸遙望凭紅窗

題畫

青山一角夕陽銜隔斷喧囂境不凡有客空亭閒眺遠
桃花春水送輕帆

王作肅

作肅字敬一吳橋人康熙十四年舉人官南宮
縣教諭有復初齋詩草

秋夜

徙倚霜天晚清吟到夜分高樓先得月寒水欲生雲木
葉當階落砧聲隔院聞秋空風正急飛雁不成羣

思家

不是苦爲客平安得信難北堂千里夢南畝一家餐風

雪年將暮琴尊興未寬歸裝遲改歲春色故園看

苦雨

連日霖霖急飄蕭牆半頽衙荒雲戀樹門靜水平苔異
地悲衰鬢微官愧不才衝泥賒市酒愁抱幾時開

憶劉慕庵時尙寄滑縣

風雨頻年別友朋南來魚雁總無憑稽康命駕思千里
劉向傳經老一燈白首客居應翼鏤青萍醉倚自峻嶒
妻孥遠隔虞邱郡策蹇揚帆歸未曾

張榕端

榕端字子大號樸園又號蘭樵磁州人潛子康

熙十五年進士歷官內閣學士兼禮部侍郎有

寶齋堂詩四卷蘭樵河上草二卷

四庫全書提要張榕端有海岱日紀已著錄寶齋堂詩稿四卷爲榕端官內閣學士時所刊皆其康熙己未至己卯之詩前有任邱龐壇序稱其詩和而不迫秀而不纖逸而不肆宛轉纏綿一寫其胸中之趣而未嘗借以宣其喜怒不平之氣頗近其實然婉約有餘遂乏雄渾之氣深湛之思蓋其長在是其短亦在是也又河上草二卷榕端康熙庚辰以內閣學士預治河之役至癸未始召還此編皆其四年之中在工次所作前有宋犖序稱其泥塗攪穢石沈薪卒以塞決乃殊不見其歌咏勤苦之勞而往往道其達天適性之樂今觀其詩雖醜醜不深而和平恬靜犖言蓋不誣云又蘭樵歸田集皆康熙甲申以後歸里之作其詩直抒胸臆多入香山一派蓋老境優游頽然自放不復以文字爲意矣

楊方冕傳公生而岐嶷入館二年以清書第一授編修旋丁外艱辛酉服闋壬戌分校禮闈得

彭君宜求等十一人館選居其半號為極盛辛未開左右春坊晉侍講壬申轉侍讀充日講官

起居注癸酉主順天武闈甲戌應制乾清宮賦膏雨潤春田詩稱旨詢及命名之義

公對臣生於先臣鏡心端州署中地多榕樹因以為名五月擢祭酒明年授內閣學士兼禮部

侍郎丙子奉命致祭泰岳沂鎮東海是冬督學江南敕照巡撫行事所拔皆名宿如

任蘭枝方苞黃越皆入翰苑旋告歸就樸園遺址築室為游息地景物清曠閒亦巾車蠟屐往

來黃華百泉間卒年七十六

宋犖序學士詩春容大雅不為鈎棘之態而自

詣雋永所謂浸淫三唐以溫柔敦厚為宗而有

當於六義

之旨趣者

龐璿序古今中州以詩稱者唐之岑參明之何

大復最著先生詩絕近岑何入而益深擴而彌

大變化焉而
不失其極

闕若璩序河上草思不必鑿刻調不必綜鍊
而物象意趣自盎然浮動於筆蹤墨滌之外

過德州同年李紫淵餉羅酒賦贈

戶小雅愛飲無酒神不暢德水逢李子遺我羅家釀其
味淡而旨其色水在盜適口不覺多竟逾平時量向豔
羅酒名好事每相餉茲焉識其真乃審前者妄
李子吾故人高懷敦古處斗酒不爲薄情真忘爾汝嗟
嗟夸毗子甘言如醇醕利盡還相傾對面成秦楚元音
與太羹至味別有取所以昔人交往往在曰杵

紅門

平生泉石癖見山輒解愛茲因東子役選暇登泰岱二
月正清和巒壑餘烟靄入山景已殊奇石非一態大或
如象獅細或如鼎鼐其陽則如赭其陰乃如黛坐愛石
上泉可飲兼可醜崖谷徧山櫻條青實猶未遙知春深
後丹顛映岩翠還轅適其時曷當一取醉佳緣想像中
快心何必再

曝經石

活活谿澗流回回巖谷轉紆道亂流度石亭峙山巘側
見曝經石方畝何平行面勒西方言躡屐不敢踐改步
憩山亭石罅泉清湛經始萬司馬彈琴此游宴山水入

清音泠然有餘善作記鐫青巒年久積苔蘚隆慶歲壬申按索猶可辨人琴俱已亡撫景留遺範

快活三里

斗峽如堂皇行人蟻附上巨石怒袷袞轉側不相讓健足汗如膏登頓疲升降呀然得坦途盤路何修曠造化祕神靈鬪奇虞過當緩步下肩輿遊情一舒暢暫此息勞筋快活名非妄君子尙居易行險有得喪側足墊黃石跬步亦相妨無用以爲用蒙莊豈余誑

御帳崖

峻嶺多摩空黝色如積鐵上有千年松下有方丈石石

上清泉流光可鑑鬢髮相傳宋真宗御帳此焉設穴石
植旌旗蚩尤帶截嶼側見大夫松獨樹餘枯拙神仙事
矯誣祖龍焉足責奈何賢嗣君甘心蹈陋轍水旱敢憂
勤燕安多容悅卓哉李文靖先幾獨秉哲

十八盤

蓋漢雙峯起危路疊盤級仰視一線天俯瞰千仞立傍
亘鐵索長攀援時戰慄肩輿如橋橫撇側便登陟拾級
捷如猱終虞足一失蜀道有蠶叢應同此翠嶽三復登
危言禁持空費力屏息忍須臾萬慮于焉畢乃知止止
功須從恐懼入

虎溪

山根洩靈瀨一線流涓涓匯流趨峽口三折響潺湲石
激水聲真苔繡石華斑巖松圓如蓋倒蔭石上泉天光
與潭影共古常悠然我來坐石上引汲煮龍團清甘沁
脾肺頓覺塵慮捐玩弄移白日浩歌滄浪篇

庚辰重午閩百詩徵君招飲楚州城西湖因有學
士湖之目且舉太白沔州詩爲起句賦詩見贈
余愧不能承也輒成二十韻奉答

郎官愛此水因號郎官湖吾愛客楚州跡與曩哲殊三
年歷傳舍炎雪勞驅瓜期偶息影偷閒亦須臾主人

敬愛容放棹攜百壺繡幕漾雲水牙櫓狎鷗鳧紛紛角
黍筵畫舫凌虛無靈均日以遠節物留歡娛歡娛亦何
有清賞在吾徒談笑愜素心至樂非笙竽主人今謫仙
胸有驪龍珠乃援沔州例標此名勝區我名以湖傳佳
境恐厚誣雖爲香案吏本是山澤臞家園溢水陽三徑
行就蕪中宵劇歸夢猿鶴勤招呼身隨綵絲繫病藉艾
草蘇笑此朱夏天清霜點鬢鬚虛名勞刻畫麈尾重操
觚君詩勿傳播馮夷定抑掄

題楊丹巖小照

消夏借名園坐臥無不宜池塘淨如拭習習薰風吹恨

無玉蒲菖點此清漣漪剝啄誰叩門東絹手自披亭亭
素心人意與鸞鶴期灼灼君子花了非塵土姿中空復
外直相對無磷緇濂溪觀物意思我無所思湛然心地
朗靜氣迎鬚眉我願留此圖觸目傲坐馳

寄賀李子臨妹丈捷南宮

少小結親串茂悅兩相知短檠覩文字長筵羅酒卮互
逞燕天燄各許脫穎鏃聞雞共起舞著鞭愧先馳伊余
涉塵鞅出入嬰世羈君志不少挫吐氣衝虹霓公車三
千牘屢上不知疲旁觀或竊笑畫眉窻入時豈知獨立
心耿耿無推移武子囊螢讀董生園不窺裘集千狐腋

文成五色絲玉經三日火光采發華滋琴因尾半焦音
響乃愈奇今年闢南宮
天恩浩無涯八紘布一

網網取珊瑚枝遂令潛修士獲此利見期堂堂聞喜宴
春色盈
皇畿宮袍增絢爛宮花藹參差緬思攻苦志
一笑軒雙眉向來多口人咋舌愧無辭怠者日以奮借
君轉相規勤者日以慰力學終不疑持此稽古力用爲
服官資公侯必復始上贊昇平基山河曠南北相望勞
相思無忘歲寒誼願廣松柏詩

題柯南陔小丹邱鍊藥圖

結春淮海間趺坐謝塵瑳與子談養生適意妄腰帶寸

田荷潔除何念不蟬蛻是人可喬松觸耳盡靈籟豁然
天宇空朗月照虛瀨金鼎與玉爐了不在身外笑指圖
中人忘機坐烟靄還丹迴無質點染餘狡獪况子非臞
仙用世當未艾空懷紫霞賞行與青雲會出處豈懸殊
物我要俱泰山中鸞鶴姿留與他年繪

贈虞山楊子鶴

耕烟墨妙空今昔萬壑千巖指端出崢嶸藝苑五十載
寸練尺紙人爭惜神工未許俗筆傳弟子楊君早入室
憶昔識君自 皇都含毫正寫 南巡圖鸞鷺溪百

丈繪水陸千官扈蹕六龍趨裝成獻御

重瞳喜

聲稱籍籍宣朝市都人踏破鐵門限公卿貴介爭倒屣
掉頭歸去侶猿鶴姓名至今留京洛高躅知難折簡招
獨背扁舟慰寂寞別來十載喜重逢笑談頓使羈愁卻
知予未遂青鞵興爲寫溪山豁眼膜解衣磅礴發素練
俄看翠壁聳几筵重規疊矩運匠巧桃花流水非人間
有時弄筆揮短幅點綴佳句成奇觀晴窗靄靄雲出岫
虛堂活活泉流灘嗟我老病羈塵鞅坐對烟波增夢想
憑君更出顧陸手爲畫林泉披鶴氅持竿會向溪頭坐
莫使圖中吾笑我

吳彭瞻庭侍讀

魚牙鱗角不易得滄州有客懷仙才抱珠夢覺吐光燄
神物那可終塵埃釣竿一戛珊瑚影鼇峯直上凌崔嵬
自我得君二十載溥山曲奏神徘徊會參元氣助真宰
不止駕鶴翔蓬萊何爲噩夢駭中夜北望慘淡銘旌來
兒啼婦歎舟兀兀文園有藁不忍開詩成淚河復東注
松風萬壑纏悲哀

韓陵片石

翠碣漫衍荒岡前韓陵碑記尙巍然東魏西魏紛割據
爭雄血戰干戈連蠻觸格鬪蝸角端兵無義戰相賊殘
倖逝一勝災碣石張皇士馬誇糾桓六朝綺麗爭相慕

子昇媚獻雕龍句羊質虎皮不見嗤尙云片石堪與語
日炙雨淋文字剝好事翻刻存其畧龜趺草沒夕陽中
野火燒殘牛羴角君不見周宣石鼓文岐陽羽獵寄三
軍魴鯉榆柳詞古質焜耀如瞻霄漢雲輦載辟雍照萬
古摩挲點畫何殷勤須知詞林有根柢隻字猶堪儷典
墳

題三俊圖

兀坐蓬茅無與樂閒將寫生慰寂寞市郎手持三俊圖
來易三百青銅蚨一鶻高枝儼如落愁胡炯目疑有攫
一鶻伏前昂首颯兩翅未張只欲去一鶻攫身全露腹

側腦傍睨雙爪縮三鶻低昂勢不同刮羽傳神阿堵中
減餐買得簷前挂燕雀驚飛不敢下滿坐秋風颯颯生
睇觀不覺是圖畫世間俊物那復有乘時好試搏風手
不須更乞龍虎符空山魑魅應藏走

渡漳河望銅雀臺

銅臺凝遠眺秋色滿衡漳沙闕行人小天空旅雁長西
風吹草木落日下牛羊歌舞何年事空嗟霸業荒

河間曉發

二月河間道烟光一望迷塵高初日淡野曠遠天底乍
暖冰將泮餘寒鷺未啼驛亭聊遣興掃壁自留題

觀海樓

危樓臨海岸極目杳冥風激無邊浪雲蒸不斷青魚
蝦腥島市斥鹵坵沙町觀止應長歎無勞讀水經

白鸚鵡次石虹韻

珍鳥來南粵羈縻遠故園羽毛元愛潔飲啄也沾恩皓
月分形影文窗接語言開籠終不去畢弋在高原

蓴菜次石虹韻

有序

聞蓴菜惟春間可用至秋則不可復芼其莖莖
亦皆不用止取葉間流脂入羹肥滑異常江南
唯產于吳江之分湖若浙中則西湖之產最佳

聞道尊羹美南來見亦稀應同仙掌露那比北山薇入
水應無質流匙但覺肥三年客吳越心與季鷹違

七夕次石虹韻

三年不信淹留慣又見金商報早秋一雨青苔俄及榻
幾回銀浦望安流可憐病骨支苓朮無復閒情話女牛
最是難兄縈遠夢楚天雲色入高樓

二月二十五日雨雪次石虹韻

嫩綠才勻柳未齊忽驚飛絮望中迷打窗簸簸聲初徹
拂檻漫漫影漸低橋上跨驢思溢口河邊沽酒憶隋隄
客中擬作雙柑會不見黃鸝枝上啼

登泰山絕頂

秦岱嗟敝帝庭探奇策
杖破青冥懸崖積溜蒼苔澀
盤磴脩組鐵鎖腥怪石
潭如山鬼立晨鐘疑有海龍聽
秦碑漢碣俱陳迹

御筆雲峯自勒銘

尋源漫說到崑崙此地方
窈造化根曉日銅鉦升海窟
長河衣帶掛天門下方雷雨晴
空見上界星辰靜夜捫
俯視諸峯環四面真同羅列拱兒孫

三月朔日遊沂山

臨朐南望鬱巘岼西岱齊名作壯觀
百里山光迎馬首
千層石徑倚蛇盤懸流峭壁晴猶雨
積雪陰崖晝亦寒

國朝詩集卷之十一
三
怡喜暮春初日好緣溪桃柳足清歡

昌樂道中遇雨

銜 詔東來祝歲成連朝喜見海雲生但教野足千家
雨何惜車停半日程隴麥青搖波激濫林鶯聲滑語分
明眼前景物堪行樂漫寫新詩酒細傾

登大澤山絕頂

青山四面削芙蓉春日攜樽一問蹤嵐氣碧蒸千疊石
風濤聲落萬株松穿雲直欲驚棲鶴搜穴還疑起蟄龍
莫怪支筇輕絕險探奇須上最高峯

歸田咏

十載離愁一夕寬何須楚客賦秋蘭探來龍領心猶苦
結得鷗盟夢不寒天路曾經車九折柴門無事日三竿
爲緣多病思鄉里不是清時有掛冠

湖隄絕句

羈縻經春安穩無幾番花信到烟蕪斑駁篋舫淮南路
日日行人聞鷓鴣

誰家水閣近花枝是處簾旌罨柳絲一曲扣舷歌小海
木腸只合讓吳兒

樓頭頃刻變朝霞林外連翩接暮鴉萬事不如春汛準
白蘋纔過又桃花

弓衣團扇傳應徧綺語新來未掃除好覓玲瓏重疊唱
風情較勝白竹書